



# Lei khi-in kan veng min ti buai.

## Branch News

### Chanmari West, July 8:

Ni 1.7.2012 (Pathianni) chhunah khan

Chief Minister bangalow hnuai, Chanmari area chinah ruah sur nasa leh tuihawk kal dan dik loh vangin lei a khi a, Zarkawt huam chinah hian in sa an awm bawk si a, chuvang chuan helai hmuna lei khi hi tawlh mai thei dinhmunah a din phah a, kan veng tan a hlauhawm hle a ni. Pathianniah khan kan veng Local Council huaihawtin lei khi hnuai a awm chhungkaw nga chu an bungrua thiar chhuah sak nghal an ni.

Aizawl khawpui chhungah kan veng Local Council hian Disaster Management Committee a din hmasa ber a, anni hmalakna hian helai lei paih fai dan tur report chu Aizawl DC office-ah an thehlut a, Sawrkar thuchhuak hi kan nghak mek a ni, kan sawrkar pawh hian a min hun nghak lovin, a rang thei ang ber hian hma rawn la se tih chu veng mipui duh dan a ni.

Lei khi hi silpaulin 20 hmangin khuh a ni tawh a, a khi karah hian tui a lut a nih chuan kan veng lamah lei hi tawlh vak thei a nih avangin veng mipuite fimkhur a tha hle. Lei khi hi PWD hotute pawhin an rawn en tawh a, Geology & Mining mi thiamte pawh endik tir nghal a ni a, lei hi 8ft laia thukin a khi a, a huam a zau bawk avangin a min mai ang tih a hlauhawm hle reng a ni.

Tunkar Ni 10.7.2012 (Thawhleh) zana khian Branch Executive Committee meeting tum a ni a, memberte lo inruahman tur a ni e..

Central Road-in national highway a pawhna lai siamthat hna chu Branch YMA-in a thawk mek a ni.

Ni 1.7.2012 chhun a CM Bangla thlang atanga lei tawlh mai turin kan vengchhunga chhungkaw thenkhatah harsatna a thlen chu pawh kan ti hle. Hemi ni hian an bungrua thiara hnatlan a ni a, hnatlanga thawkchhuak zawng zawngte chungah lawmthu a sawi.

Ni 6.7.2012 kha MHIP Day wavi 38 na a ni a, kan veng MHIP ten day lawmna an neihah Branch OB-te min rawn sawm angin President leh Fin.Secretary-te an tel a, day lawmpuina atan Rs 1000/-hlan an ni.

Branch Adviser Pi Zamanthangi Councillor chuan Branch YMA silpaulin a pe a, a chungah Branch Committee chuan lawmthu a sawi.

## MHIP

Ni 6.7.2012 (Zirtawp) khan MHIP DAY wavi 38-na chu Chanmari West Middle School-ah hlim takin an hmang. He hun hi MHIN Chanmari West branch president Pi Lalbiakngheti chuan a kaihruaia, khuallianah Pi Zamanthangi AMC Ward No-VI councillor a ni a, Pi Chuaudingliani Headqaurter executive member chu khaulzahawm a ni. Veng chhunga pawl hrang hrang Local Council, YMA, MUP atangin an telpui a, khuallian leh khaulzahawm hnen atangin lawmpuina leh fuihna thu tha tak an sawi hlawm a ni. He day-ah hian fiamthu thiam leh zai thiam hnen atangin thu benglut leh mit ti tlai tak an ngaithlain an thlirho a ni. MHIP leh MUP ten football an

khel bawk. He hun hmanpui tura an sawmtan an hmanpui theih avangin an lawm hle a, school hman tirtu headmaster leh staffte chungah lawmthu an sawi tak meuh meuh a ni. World Vision-ten SEMINAR ON CHILD PROTECTION hmanpui tura an rawn sawmna chu Ni 13.7.2012 (Zirtawp) zan Dar 7:00 ah hian MHIP buildingah hman tur a ni a, he hun hmanpui tur hian veng chhung nu leh pate tel vek turin an sawm a ni. MHIP Day an hmanna atana lawmpuina petu CWBYMA (Rs 1000), MUP (Rs 500), Local Council (Rs 1000) leh Pi Zamanthangi, Councillor (Rs 1000 leh Football) te chungah lawmthu an sawi.

## LUSUN KHAWHAR

Ni 4.7.2012 khan kan member Pu Ramfangzauva Kum 46 H/o Laldinthari 'K' Section chuan min boralsan a, a kalsan tak a chhungte Branch YMA kan tawrhpuh hle.

## PEM CHHUAH

1. Pu Lalthanmawia te chhungkua chu Pi Lalzarmawii 'N' Section-te In atangin Edenthar vengah an pem.

## MIZORAM PREMIER LEAGUE PLAY OFF KHEL TURIN CHANMARI WEST INBUATSAIH

Mizoram Football Association (MFA) buatsaiha Mizoram Football Club tha pariat tena khel tur Mizoram Premier League khel tur zawna play Off khel turin Chanmari West Sporting Club chu ngawrh takin an inbuatsaih chho meka, Play off hi July ni 13, Zirtawp dar 1:00 ah khel tur a nia,

Chanmari West Sporting Club ten match hmasaberah RS Annexe F/C Dinthar nen Lammualah an khel dawn a, Vengchhung mipui a tam thei ang ber tawiawm turin an in sawm a ni. Sum leh pai a tanpui thei tan chuan kan veng football club hi puih theih a tha hle a, kan veng aiawh a ni si a.

TUNKAR CHANGVAWN  
"Tunge fing a heng hi hrethiam thei ang; Tunge fingvara hre thei ang...?  
LALPA kawngte chu a dik a, Mi dikte chuan an zawh dawn a ni si a.  
Bawhchhetute erawh chu chutah chuan an in chhuih thlu dawn a ni".  
Hosea 14:9

**Editorial Board**

<b>Editor:</b>	J.Lalnangliana	9862399658
<b>Joint Editor :</b>	Lalchhandama	9862358347
<b>News Editor :</b>	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
<b>Cir.Manager :</b>	Johny Lalthanpuia	9612359161
	EVL. Hruaitluanga	9862655426
<b>Production Manager :</b>	R.Lalmachhuana	9436151817

**Branch Office Bearer**

<b>President</b>	T. Ngurkhuma	9436190843
<b>Vice President</b>	R. Lalmachhuana	9436151817
<b>Secretary</b>	RL. Thanhnuna	9436152760
<b>Asst. Secretary</b>	Zairemmawia	9862385654
<b>Treasurer</b>	C. Lalzarliana	9436142049
<b>Fin.Secretary</b>	K. Darthantluanga	9436196071
<b>Adviser-te :</b>	Pu Lalbiakthanga Khiangte	
	Pu Rothuama, Pi Zamanthangi	
	Pu Lalrengpuia Sailo	

**Editorial :**

Kan Branch YMA chuan central road kan siamtha mek a, he kawng hi kawng pawimawh tak ni thei tur a ni a, chuang chuan a grade tha thei ang bera kan siam ngei a ngai a ni.

Contractor dang anga kan thawh ve a rem lova, hlawkna kan um viau pawh a dik kher lovang, a hna a that loh chuan miten YMA sawichhiatna remchang an hmu palh ang tih a hlauhawm a ni. Kan branch hi kan rilru a pachhe ang reng a, chuang chuan hna tha vak lo hian kan thawk palh ang tih a hlauhawm a, hlawk phah vak lem lo mah ila, mi ringtute beisei ang ngei a hna tha taka kan thawh ngei hi angai a ni.

YMA-te hi mite min ngaihndan pawh hi a dik famkim lo deuh ni chuan a lang. Tuallaia zu rui buai thelhtu tur atan te, kawng hnawh vel thiantu tur a tan te, mi chhungkaw buaina thelhtu tur atan te, mitthi ina tlaivar tur leh thlan lai tur atan te kan beisei a, a dik khawp ang. Amaherawh-chu YMA-te kan beisei leh ngaihndan hi kan siamthat angai a ni. An tih tur leh tihawm pawh mipui hian kan lo thliar thiam a tha a, inrawlh tura kan beisei chin pawh kan thliar thiam a ngai khawpin a lang, an kuang lo kan nawr tir palh ang e.

**Article :****ZO HNAHTHLAKTE I INDUHSAK ANG U**

K. Rohlpuia (Rote-a)

Enge kan sawi tak ang le, khawngaihna chu alo pun leh zual theih nan tih ziak ang khan Zohnahthlakte hi i inkhawngaih ila i in hmangaih ang u. Engtingge Zohnahthlakte hi kan induhsak a, kan in khawngaih theih ang le?

Entir nan :

(1) Inluah chungchangah : Engvangin nge khung Delhi-ah te, Bombay-ah te leh etc.. ah hian Mizoram anga hnamdang an tam tlur loh le. A chhan ni a ka hmuh ve dan chu In luah tur awmloh vang a nih ka ring, in luah tur hrim hrim chu Mizoramah aiin In luah tur chu a tam ngei mai. Mahse, anni chuan a chipui bak chu In luah a tan an ti vak lo niin a lang. Kan ram zimte Sq Km 21.087 leka zimah hian hnamdang Zohnahthlak ni hran lo 348494 kan khawi dur durna chhan chu kan In neitu ten kan In luah atan hnamdang kan luah tir thin vang niin a lang. Heng kan ziah Zohnahthlak ni lote hi In luah tur hmu lo ta se, heng zat zat hi kan khawi dur dur lo ang maw le. Heng 100/10 bak hi chu Zoramah hian hnathawk leh thil dangah kan mamawh in ka hre lo, a Zohnahthlakte hi In luah tur chungchangah hian kan Unau Zohnahthlakte hi induhsak ang u.

(2) Heng kan ziah mek lessonah hian thil dang inthup inhai lang leh lawk teh ang. Kan ram dep entirnan: Burma, Manipur leh etc.. atanga Mizoram lo chuang chhuakte hian zir ve tur kan nei ve tlat mai le. Kan awmna NGO leh YMA Section angahte hian theih tawp a kan inhman ve deuh chu a ngai. Chhiatniahte hian inti mikhual lova chet ve bawrh bawrh pawh a ngai khawp mai, inti mikhual lo va awm a ngai, thenkhat chu an fel em em laiin mahni ina awm chut thenawmte chhiatni thatniah pawh lang lek lo pawh kan la awm hi chu a zia lo khawp mai, Zohnahthlak te i inngaihtuah chiang teh ang u.

(3) Kan ram neih chhun khawpui berah invei lawk teh ang. Kan ram khawpui ber Aizawl, chuta chhapah veng lar tak, kan ram khawpui darthlalang chu zing dar 6 atanga 8 inkarah i kal chuan i hmuh tam ber chu hnamdang anni ngei ti ila kan sawi soal lo ang. Zawlnei nih kher a ngai hran lo, heta tang hian Zoram chu a him tawh lo hle mai.

(4) Heng kan ram kan khawpuihte hian hnam dang thilti thei tak takte neiin private company ang chiahte leh etc.. kan Mizo Zohnahthlakte chhawr kualin hlauh lah chu tam lem lo. Thlakhatah 3000 bawrin min chhawr kual mek a. In leh Lo luah chawp a khawsate tan chuan kan hlauh kham chu thil harsa tak a lo ni a, kan Pathian pawh hian sum chu indaih turin a siam lem lo nge ni sum ngainat chu soal tinreng bul a ni a ti hial a. Mahse khawvela cheng indaih lo hrim hrim kan ni na chungin kan hlauh ringawt chuan intunnun ngaihna a awm lo tih chu a hretu kan ni vek a. Kan hlawhte a tam loh avangin kan zahawmnate kan hralh hial a lo ngai ta hialin alang, kan nula tleirawl ten tunlai mobile phone changkang takte an lo duh zel bawh nen top up manah hnam dang lakahte an inhralh ve mek zel zawng ni ta berin a lang. Hengte hi ngun tak a kan ngaihtuah chuan kan In leh lote hnamdang miin an luah nasat luat vangte a ni thei hialin alang. Zohnahthlakte chu kan induhsak in kan inhmangaih tur a ni bik.

Chanmari West-ah hian chhiatni thatni kan nei ve reng thin a, a bikin CHHIATNlah hian chhiat tawh ten an mamawh abikin tui lam hi a theih china kan veng thu neitute hian chiat tawh chhungte tan tui hi office emaw thilti theihna kawngah hmalak sak thin nise a duh awm hle ang. Chhiat tawkte, mi Inhnua luah ve mai mai nih theih a ni a, In neitute tui awm sa hman zawh sak vekthe phehi hi chuan a inthlahrunawm duh hlein ka hria a. Heng kawngah hian kan veng thuneitu ten Zohnahthlakte induhsak a inhmangaih tur a nihna a lo lang dawn nia.

Kan veng, kan neih chhun hi a chhunga cheng ten kan inlungual a, kan inhmangaih tlan hian a nuam a ni mai, hei lo hi kan veng Chanmari West dang a awm chuang lo, kan lei Jerusalem neih chhun a ni.

Hmangihna hrui vuanin, thinlung hmun khat puin tih hla phuahtuin a phuah kha i vawng reng ang u tiin ka sawm e.

**2012 Thuvawn**

*I awmdan tur chu  
LALPA chungah ngat  
la; Amah chu ring la,  
aman a ti vek ang.*

## KHUANGCHERA

☞ An member Pu H. Ramfangzauva'n (kum 46) a boralsan chu an uiin khawhar chhungte an tawrhpu takzet.

☞ Section huam chhunga ualau taka ruihlo ti thin te chu sim turin an hriattir nawn leh. Pu S. Lalmama in bul step a ruihlo ti thin bikte phe chu YMA-in hma a lak hmaa lo inthiarfihlim turin an hriattir.

☞ Khawlaiah ui chhuak a tam leh tawh hle a, ui vulh tute mahni ui theuh khuahkhirh turin an ngen.

☞ An section member Graduate tharte an lawmpui hle.

1. Debora Vanlalmawipuii d/o Lalsangzuala Hauhna

2. Lalchhandami d/o T. Ngurkhuma

3. H. Lalnunzira s/o H. Lalmuana

4. F. Lalhruaitluanga s/o F. Zosanga

5. Vanlalchhuangi d/o K. Romawia

Pass thar hriate chuan section hruaitu te hnenah hriattir zel nise.

☞ Silpaulin thar tha tak mai an nei a, a petu chungah an lawm hle.

☞ Section chhunga chhiat tawh chungchangah LPS chhungkaw chungah lawmthu an sawi.

☞ Section Committee koh thuai an tum tih member-te an inhriattir.

☞ Section hruaitute tun aia YMA hmalakna kawng hrang hrang ngai pawimawh leh zual turin an inchah.

## CHAWNGBAWLA

☞ An section huamchungah Ui chhuak a tam thei hle a, ui nei chuan khuahkhirh hram hram turin an ngen.

☞ RTS kawmthlang kawngpui anah ualau taka zuin an awm thin chu paw i an ti a, heng mite hian helai hmunah hian zu in tawh lo turin an ngen.

☞ An member zirnaa hlawhtling zawng zawngte an lawmpui a, an kal leh zelna turah duhsakna an hlan.

## TAITESENA

☞ An hruaitu NI. PC Lalrindiki leh Tv. Lalrinzuala ten BA an pass chu an lawmpui hle.

☞ Lei khi avangin Pu C. Zosangliana te, Pi Nutawii te, Pu VZ Muana te chhungkua bungrua chu thiarchhuah a ni.

☞ Pu Rothuama Branch YMA Adviser chuan silpoulin tha tak a pe chu an lawm hle.

☞ Faina kawngah chhungtin leh Dawrkaite tan la leh zual turin an inngen.

☞ Tunkar hun remchangah Section meeting thut tum a ni.

## NEUVA

☞ Hun remchang hmasa berah Section Committee Meeting koh tum a ni.

☞ Vengchhunga chhiattawk an awmin hruaitu leh member an kal chhe thei hle chu tan la thar leh zual turin an inchah.

☞ Mahni in leh a vel vawngfai turin chhung tinte an in ngen a ni.

☞ An member NI R Zothansangi'n Kohhran Dan Thianghlim a pasal a nei chu an lawmpui hle.

☞ Turning Point a Zan riak a Lirthei dah, Local Council leh Branch YMA in a phal loh chu dah an la awm a, dah tawh lo turin an in hriattir a ni.

☞ Mahni in leh a vel vawngfai turin chhung tinte an in ngen a ni.

## VANAPA

☞ An section member Graduate tharte an lawmpui hle.

1. Melody Lalhriattiri d/o Lalmuaki

2. John Lalduhawma s/o T. Sangkhuma

3. Lalnunmawii Pautu d/o VL Thakima

☞ Pu C. Rozama (L) te chhungkuain Kuang hunna tur Stainless Steel-a siam tha tak mai section-an rawn pe a, an chhungkaw chungah an lawm hle.

☞ Pu Rothuama'n a fapa Lalbuatsaiha nupui neihnaa YMA ten fatu a an puhi avanga lawmthu sawinan section YMA-te Rs 5000 a rawn pe a, section-in lawmthu an sawi

☞ Pu Laltanpuia (TPA) chuan thingpuife danna tha tak mai pahnih a rawn pe a, an lawm hle.

☞ Section-in silpaulin tha tak mai an nei thar a, an lawm hle.

## KEIMAHNI

☞ YMAAW chhutute ei tur thingpui hmeh tui tak Chanmari West Sporting Club chuan min rawn tum sak a, an chungah kan lawm hle.

☞ YMAAW a thuziak chhuah tur kan dawng thei reng a, ziak mite kan sawm a che u. Fakna chhuah theih a ni a, thil bo leh chharah erawh chuan chhuah man angai lo.

☞ Kum chanve intuaitharna atan Ni 7.7.2012 (Inrinni) khan Editor te inah chawhlui kil ho a ni.

☞ Pawisa hi khawvela thil pawimawh ber a nih miau avangin, mimal rilru leh hnam rilru put dan tha kawnga ngelnghehna leh hlawhtlinna atan pawh thupuih leh a tobulah neih chi a ni.

- G.B. Shaw

## CHAPO HMAI KHAWR

- J. Nanga

John Milton chuan, "That derna hi hmuh theih loh sual nung reng chu a ni" a ti, a dik fu lo maw. Tum khat khawhar ina ka kal chu an hausa baw a, an in a nuamin kal an tam hle. Ka'n hawi kual a, bang zawng zawngah chuan mitthi leh a chhungte pual tur niawm tak pangpar lem hlir mai hi an tar khat tlat a, ropui ti tan chuan ropui tak tur a ni. Chung an pangpar lem tar chu zahnih zathum man aia hniam lo tur vek mai hi a ni a, sawmli chuang chu ka'n chhiar nghal mai thei leh nghal a, hmuh mai phak baka eng emaw zat la awmte nen phe chuan sing chuang man zet chu a ni ngei ang.

Nunna nei lo, chung pangpar lem ka'n thlir chuan a lem mai a ni baw a, ho ka tiin, a mawina leh hlutna ka hmu phak lova, politicianen vote zawn nana an tihawm tawk lekin ka hmu. A awlsamin dawr ami lei mai theih kan ti maw, kan ngai pawimawh tak tak a nih chuan dawr kal buai ngai lovin a man hu a inpek theih a, mitthi chhungte tan a tangkai zawk ngei ang; mahse, sumdawngte kan duhsak ve hrim hrim a nih chuan thudang nise. A dawngtu tan han tar chuai mai hi a ropuiin laina an ngah zia lanna pawh a ni ngei ang; mahse, hemi phenah hian awm a awm tlat lo maw!

A petu tan hming ziah lan a remchang a, kan ziak lang thin. Hei hian a entir ni ta bera lang chu kan intawrhpuina phena kan chapo ruk zia mai a ni. Kan duh ber chu mitthi chhungte hnem a ni lawm ni, pangpar lemin a hnem tak avanga hlim ta viau kan hria em le. Lemchanna khawvela lemchanna hmanraw pakhat ve mai a lo ni zawk a ni.

Ngaihtuahna leh lawmna hre tawh baw si lo, mihring tling tawh lo (mitthi) tan pangpar lem chu an chantawkah kan ngai nge, hla phuahu'n 'Pangpar angin ka chetzia lan tir ang che' a tih angin, pangpar lem a nih angin a lema intawrhpuina tawh lekah kan ngai zawk.

A dik leh dik lo chungchangah chuan mitin hi a buklong khaitu leh endiktu kan nih leh tho thin avangin sawi chiam hian awmzia a nei lo fo thin a; chutihlain, tihna chungchangah hi chu kan Mizo viau avangin sawi a nuam thin. Kan hnam chin thin dan pawh ni hlei lo, pangpar lem pek hi a chin zel tlak em?

## Local Council

Family ration card thar semchhuah mek a ni a, family ration card siam hmaih palh chhungkua eng emaw zat an awm a, heng siam hmaihte, Chanmari West khua leh tui dik tak, tuna Chanmari West a cheng ngeite tan bik hian ration card hlui kengin, Local Council Chairman Pu F. Zosanga leh member Secretary Pu C. Lalmuanpuia hnenah Ni 15 July, 2012 ral hma ngeiin inhriattir tur a ni e.

Ni 1.7.2012 (Chawlhni) khan Chief Minister bangalow hnuai Chanmari area, Vaivakawn road Pu Lalzirlionate in zawn chu ruah sur nasa leh tuihawk kal dik lo avangin lei a khi a, Disaster Committee te, Local Council te, Branch YMA leh Disaster management lama min bialtu Pu Rothuama ten buaipui nghalin, a zawna in awmte enfiahin senghawi ngaite senghawi nghal a ni. Disaster management committee chuan sawrkar-ah report pein a paih dan tur ruahmanna thehlunghal a ni a, tunah hian sawrkar lam thuchhuak nghah mek a ni. Ruah a sur nasat chuan helai hi min mai thei a nih avangin mipui fimkhur turin an ngen a ni. A thenfai hna thawk tura rawn thawkchhuak zawng zawngte chungah lawmthu an sawi.

Bazar fee khawn tan a ni a, bazar chhung thil zuar turte chuan bazar fee hi thawh tur a ni. A fee hi sa zuarin Rs 50/- leh thlai lam chi zuar tan Rs 10/- a ni.

“AMC chhungah tupawh In sa tur emaw sak belh tur emaw thiat tur emaw sa thar tur emaw tawh phawt chuan AMC-ah dilna form lain Local Council kaltlanga dil vek zel tawh tur a ni. AMC phalna la hmasa lova in rel chu an hna chawh tir leh thiah tir nghal theih a ni ang.

## ZOFA

Ni 5.7.2012 (Ningani) khan Reiek ah programme pawimawh tak an nei a, member thawkchhuakte chungah lawmthu an sawi.

Club member te tan T-Shirt mawi tak siam a ni a, member ten a man pangngai chanve chauhva lei tur a ni a, member zawng zawngte lei thei vek turin an ngen.

Ni 10.7.2012 (Thawhleh) zan dar 7:30 ah YMA Zawlbukah lam zir leh tur a ni a, hruaitute kim taka kal turin an inhriattir.

Programme pawimawh tak tak an hmabak avangin Member-te tun aia Lam zir ngai pawimawh leh zual turin an inchah.

## MIZO HNAMLAM LEH KAN VENG

- Mangheta

Khawvelin hma a sawn zel lai leh thiamna a san tual tual lai hian Mizo hnamte hian kan hnamzia leh nunphungte kan mausam tan zel niin a lang. A bik takin kan veng pawh hian Mizo Hnam Lâma kan hmingthatna chu kan hloh tan tial tial ta mai.

Kan Mizo nunphung leh tih dan tam zawkte kha chu tunlai khawvel nunphung nen chuan a inmil tawh kher lo vang. Mahse kan Hnam Lâmte hi chu kan humhalh that reng loh chuan, hei lo hi Hnam Lâm dang kan nei dawn si lo. Tu mahin min rawn humhalhsak dawn lo tih hriain keimahni Mizote ngei mawhphurhna liau liau a ni e.

Kum engemaw chen kha chu Mizoramah hian Hnam Lâm thiam veng kan lo ni thin a, mahse tun hnaia intihsiakna awmah chuan he kan hmingthatna hi kan hloh tan tlat mai. Tu mawh nge ni ta ang le? A nihna takah chuan Mizo Hnam Lâm tluka Mizoram pum hriata kan veng hming timawitu hi a awm kher dawn em ni? Infiamna lamahte kan han bei ngial thin a, mahse engruai chu kan ang si lo a nih hi. Chutihlaiin kan veng hming timawi thintu Hnam Lâm lah chu a veng pum deuh thaw mai hian kan ngaihthah sawt viau baw si. Mahni hnam ziarang hmusittu chu mi pangngai an ni ngai lo tih hriain, kan Hnam Lâm leh zaite hi ngaihsan nachang i hre thar leh ang u. *Mizo thalai ka nih chuan kan hnam lâm leh zaite hi ka thiam ve tur a ni tih hi i pawm tlang ang u.*

Mahni hnam ziarang changkan san hi Hnam boralna a ni. Hnam nun leh ziarang boral hlauh vangin Central YMA-in **Ram leh Hnam Humhalh Kum** a puang a. Kan kumpuan ang ngei hian hemi kawngah hian YMA member-te'n kan tih ve theih awlsam tak chu kan Hnam Lâm leh zaite chawisana humhalh nachang kan hriat hi a ni awm e. Kan Hnam Lâm leh zaite tha taka kan humhalh chhung chuan Chimral pawh hi a hlauhawm ngai lo vang.

## CAMERA TI BO

Zitawp zan dar 10 vel khan Camera nikon compex chu Edenthah leh Chanmari West inrinna lai velah ka ti bova, mi rinawm tak lo chhartu khan khawngaih taka min pe leh turin ka ngen che a, mit var man ka lo pe ang che.

9436373730

## C W S C

Ni 5.7.2012 (Ninga) zan khan Pu Lalliansanga (Malala) te inah Executive committee an thu.

Kum 2012-2013 atana Sporting Club member lak mek a ni a, veng chhung thalaite leh infiammite member- a inpe theuh turin an insawm.

Ni 13.7.2012 (Zirtawp) chawhnu dar 1:00 hian AR Ground-ah Mizoram Premier League Playoff opening match an khel dawn a, veng mipuite tawiawm turin an insawm.

## VOLLEYBALL MANAGING BOARD

1. NI Zoar Lalrammawii
2. NI Ellen Lalrintluangi
3. NI H.Lalhmingshlu
4. Pu Lalsangkima
5. Pu C.Vanlalhruaia
6. Pu Remsangpuia
7. Pu F.Lalhruiatluanga
8. Pu Thangsuanmanga
9. Pu C.Zohmingliana
10. Pu Lalhmachhuana
11. Tv Ramnunmawia
12. Tv Malsawmtluanga
13. Tv David Malsawmkima
14. Tv PC Lalhriatpuia
15. Tv Malsawmtluanga(Mala)
16. Tv Vanlalruata
17. Tv H.Lalnunzira
18. Tv Isaac Lalremruata
19. Tv Lalduhawma
20. Tv F.Lalhmingsmawia
21. Pu Ronnie Ramnunmawia
22. Tv Jacob Lalrinsanga (Boss)

## FOOTBALL MANAGING BOARD

1. Pu Lalhmingsliana
2. Pu John Zosangliana
3. Pu H.Laltanpuia
4. Pu C.Lalmuanpuia
5. Pu H.Lalmuanpuia
6. Pu Isak Zothantluanga
7. Pu JK Zosangliana
8. Pu Zothansanga Tochhawng
9. Pu Roluahpuia
10. Pu H.Lalnunhlina
11. Pu Laltanpuia
12. Tv Lalsawmzuala
13. Tv Lalnunhlina(VPA)
14. Tv R.Lalringheta
15. Tv J.Lalremruata
16. Tv Zohmingsanga
17. Tv Lalhmingsmawia
18. Tv Laltlanhlua
19. Tv Ricky Lallawmkima
20. Tv Vaninmawia
21. Pu TC Lalnunpuia